



थुकि दुने



यैया मौलिक नखः यैयाः
श्रीकृष्ण महर्जन- २



श्री हल्लोक आकाश भैरव
नृपेन्द्रलाल श्रेष्ठ- ३



यैयाः
रेणु श्रेष्ठ- ६



हल्लोक आकाश भैरव
ब्लोअप ४-५

भाय्या सवाल्य आःया पलाः भाय् देय्या सांस्कृतिक सम्पत्ति खः

स्वनिगः आदिवासी नेवाःत धाइपिं भाषावारी जाती धकाः धायेगु यानाच्चंगु दु । नेपाःयापिं मेमेपिं आदिवासी जनजातिया तुलनाय् ब्यागलं कथं भाषाया ल्याखं एकता यानातःपिं जनजाति धाइ । मगःतय् तःता भाषा दु । राईतय् तःताजि जाति दु । अथे हे कयौं आदिवासी जनजातिया छगू जक भाषा, जाती, धर्म, संस्कृति, परम्परात दु ।

तर नेवाःतय्गु सवाल्य स्वल् धाःसा धर्मया ल्याखं नं तःता दु । नश्लया ल्याखं नं यक्व दु अले संस्कृतिया ल्याखं नं यक्व दु । उकिं नेवाःत धाइपिं संस्कृति, धर्म, नश्लया ल्याखं विविधता नापं भूगोलया ल्याखं नं थःथःगु कथंया विशेषता दुपिं खः । नेवाःतय्गु एकता यानातःगु आधार धइगु भाषा खः । नेवाःतय्गु मांभाय् ने पालभाषा खः । उकिं भाषाया सवाल्य मेमेपिं आदिवासी जनजातितय्गु तुलनाय् नेवाःत न्याबले गम्भीर दु । ने वाःतय्सं भाषाया निति न्याबले न्याः वनेत पलाः ल्हवना वयाच्चंगु जक मखु मेमेपिं आदिवासी जनजातितय्गु नं भाषिक आन्दोलन स्यनादीपिं नेवाःत हे खः धकाः धायेफइगु अवस्था दु ।

भाषाया अधिकारया निति ने वाःतय्सं ता ई न्ह्यवनिसें आन्दोलन याना वयाच्चंगु खः । आन्दोलन याना वयाच्चंगु धइगु नेवाः भाय्यात ल्यंके गु नापं नेवाः भाय्यात खय् भाय् थें हे राज्यपाखें लगानी याकेगु अले सरकारी कामकाजया भाषाया रुपय् नाला



कायेकेगु निति खः । नेपालभाषायात विकास यायेगु निति खः । भाषा धइगु देय्या छगू सांस्कृतिक सम्पत्ति खः धकाः थुइकेगु निति खः । नेवाःतय्सं थःथःगु छैय् नेवाः भाय् ल्हाकेगु निति खः । स्वनिगलय् न्हापा न्हापा गुलि नं मनूत वइ इपित नं नेवाः भाय् ल्हायेगु लकस ब्वलंकेगु निति खः । न्हापापिसें स्वनिगलय् गुलि नं मनूत वइ इपिं नेवाः जुया वनीगु खःसा आः नं फत धाःसा उगु हे कथंया लकस ब्वलंकेगु निति खः । नेवाःतय्सं भाषाया अधिकारया निति आन्दोलन ता ई न्ह्यवनिसें याना वयाच्चंगु खःसा आः भाषाया अधिकार

कायेगु निति छगू कथं बांलाःगु पलाः ल्हवनेमाःगु ई वयाच्चंगु दु । थनि दच्छि न्ह्यः हे भाषा आयोगं नेवाः भाय्यात वागमती प्रदेशय् सरकारी कामकाज भाषाया रुपय् प्रयोग यायेत सिफारिस याःगु खः । व सिफारिसयात कया नेवाःतय्सं चासो मतःगु नं मखु । अबले हे नेवाः देय् दबू व तामाड घे दुडपाखें ज्ञापन पौ नं लःल्हाःगु खः । तर थुगुसीया वागमती प्रदेशया नीति तथा कार्यक्रमय् नेपालभाषा व तामाड भाषायात सरकारी कामकाजया भाषाया रुपय् कार्यान्वयन यायेगु निति माःगु कथंया योजना महेयवं नेवाः देय् दबू

स्वनिगः विशेष प्रदेशपाखें निरन्तर रुपं विशेष पहल याना वयाच्चंगु दु । भाषा आयोगय् डेलिगेशन वनेगु, वागमती प्रदेशया सांसदतलिसे अन्तर्क्रिया यायेगु, सभामुखनिसें मुख्य मन्त्रीयात नापलायेगु, दबाव मुलक ज्याइवः यायेगुनिसें केन्द्रीय सरकारया सम्बन्धित मन्त्रीयात तकं लविड यायेगु ज्या तकं निरन्तर यानाच्चंगु दु ।

आः वागमती प्रदेशया संसद च्वनीगु अवस्था मन्त । प्रदेश सरकारया संसद हे भाषा सम्बन्धि कानून पारित यायेमाःगु खः । उकिं थुगु संसद याये फइगु संभावना तसकं म्हो जुया बिउगु दु । आः प्रदेश सरकारया मन्त्री परिषदा मुँज्या जक च्वनी । प्रदेश सरकार या मन्त्री परिषदा मुँज्या च्वना कम्ति नं भाषा आयोगया सिफारिस कथं सरकारी कामकाज भाषाया रुपय् कार्यान्वयन यायेत माःगु पहलया निति छगू कार्यदल दयेकेगु ज्या यायेमाः । आः तक भाषा सम्बन्धि विभाग मडुनिगु अवस्थाय् प्रदेशय् भाषा सम्बन्धि विभाग दयेकेगु ज्या ल्यं ७ पेजय्

देवदास मानन्धरयात हन



देवदास मानन्धरयात न्हुदैं समारोह समितिपाखे हनं नेपाल संवत् आन्दोलनया न्ह्यलुवाः देवदास मानन्धरयात छगू ज्याइवःया दथुइ संस्कृति, पर्यटन तथा नागरिक उड्डयन मन्त्री जीवनराम श्रेष्ठं खादा न्येकाः सुस्वास्थ्यया कामना यासें सम्मानयासें हनापौ लःल्हागु दु ।

मानन्धर वासः यानाच्चंगु महारजगञ्जया नमन केयर सेन्टरय् वनाः नेपाल संवत् न्हूदैं राष्ट्रिय समारोह समितिपाखे ग्वसालय् थथे सम्मान याःगु खः । समारोह समितिपाखे नायः

निरञ्जनरत्न शाक्यं मानन्धरं नेपाल संवत्यात आन्दोलनयात तिबः बीकथं यक्व ज्या यानादीधुंकूम्ह व्यक्तित्व जूगुलिं मानन्धरया योगदानयात लुमकाः थथे केयर सेन्टरय् हे वयाः सम्मान यानागु खँ धका धयादीगु खः ।

उगु ज्याभ्वलय् समारोह समितिपाखे सल्लाहकार लिसें पूर्व स्वास्थ्य राज्यमन्त्री तीर्थराम डंगोलं मानन्धरया व्यक्तित्व व योगदानयात कयाः न्ववानादिसें भिँउसाँय्या कामना यानादीगु खः ।





नेवा: राष्ट्रिय म्ये

चवमि : दुर्गालाल श्रेष्ठ लय् चिनामि : तिर्थ माली

धुन देने धुन सँन्त्यलं भी फुक्कं हे छम्ह जुइ धुन
भीगु लागाय् भी स्वयं हे जः जुया धुन लुइ धुन
ह्यांगु भुमिइ अष्टमण्डल ह्यांगु चाः दुने थी नगु
भीगु नेवाः ध्वाँय् थ्व हे खः ज्यान भी सकस्यां छगू
जातितय् स्वायत्त राज्यं लुइ कपं च्वय् भिलिमिलिं
राष्ट्र भःभः धाय्क न्ह्याके भीगु चःतिं भीगु हिं

सम्पादकीय



यँया:या भिन्तुना

यँया: नं वल । जुइला मजुइला, जूसा गुकथं जुइ ?
थीथी कथंया थज्या:गु हे न्ह्यस:या दथुइ जात्रा न्ह्यात ।
औपचारिकता जक पूर्वकेगु धका: पिहांव:गु खँत नं
औपचारिकताय् सीमित जुल । न्हापा न्हापा स्वयां भचा म्हवः
हे खः धा:सां हुलमुल ला जूगु हे दु । जात्रा हनेगु इवल्य् भी
छुं नं भाईरस वा अवस्था खना: मग्या: खनी । न्ह्यागु न्ह्याथे
जूसां भी जात्रा वा नखःचखः हने हे मा: । जात्रा, नखःचखः
धालकि ज्यानया नं पर्वाह मदु भीत । थ्व छगू भावना खः,
जात्रा, नखःचखः थुज्वःगु तजिलजिप्रतिया सम्मान भाव नं
खः । तर छगू खँ, थज्या:गु हे भावना नेवा:तय्गु छँ थुंवल्य्
नं ब्वलंगु जूसा, नेवा: अधिकारया खँय् नं थुकथं हे मुनीगु
अवस्था जूसा नेवा:तय्गु सुनां क्वत्यले फइगु खइला ?

धार्मिक क्षेत्र व्यवस्थित याय्गु नामय्, सडक विस्तारया
नामय् थीथी त्वहल्य् नेवा:तय् छँ थुनेधुंकल । आउटर रिंगरोड,
स्मार्ट सिटी थीथी नामय् हाकनं नं छँ थुनेगु योजना न्ह्यःने
वयाच्चंगु दु । उकी ला थः दाजुकिजाया छँ थुंलबय् गुलिखे
नेवा:तय्गुसं विकास खंकल । लँ तब्या जुलकि थःत हे
सुविधा जुइगु ला खः नि धयाबिल । थज्या:गु हे खँ ल्हाय्गु
खःसा जात्रा याइलबय् लँ जाम जुल, जुइत समस्या जुल,
थ्यंकेमा:थाय् इलय् हे मथ्यंबल्य् ज्या स्यन, आम्दानी हे
स्यन वा पा: जुल जुइ गुलिसिया । जात्रा मया:सा थज्या:गु
अवस्था नं दइमखु । आ: छु जात्रा नं मयानाछ्वय्गु ला ?

विकास छुकियात धाय्गु, दकले न्हापां थ्व खँय् स्पष्ट
जुइमाल । तब्यागु लँ, क्रंकीटया तत:जा:गु छँ, आधुनिक
स्वरूप जक विकास खः ला कि विकासया अस्तित्वयात
स्थानीय मनुतय् जीवनस्तरं निर्धारण याइगु खः । देशय् च्वपिं
मनूत समृद्ध जूसा देश विकास जूगु धाय्फइ । तर थन ला
दुगु छँ तकं मदय्का: च्वनेमालीगु स्थितीयात जक विकास
क्यनाच्चन, खंकाच्चन ।

धयात:गु दु, गुगु समुदाय संस्कृतिइ त:मि जुइ, उपिं
गबलें नं सत्ताय् थ्यने फइमखु । नेवा:या सन्दर्भय् थ्व पाय्छि
खनेदत । भी जात्रा जात्रा हालाजुया, न्याय्काजुया । अले भी
अथे धाय्बल्य् नेवा: समुदाय सत्ताय् थ्यनीगु ला छु खँ, भीगु
सः तक नं थ्यंके फयाच्चंगु अवस्था मदु । छिपिं संस्कृतिइ
त:मि धाल, मख्ख जुल, धिमय् थात । बस्, नेवा:या अवस्था
थ्व हे मखुला ?

थ्व दक्कं खँया सार धइगु जात्रा महने, संस्कृति दक्कं
त्व:ताछ्वय् धइगु नं मखु । भीगु थ्व हे संस्कृति नं समृद्धिया
लँपु जुइफु, जुयाच्चंगु नं दु । तर थुकिया लबः सरोकारवाला
समुदायं मखु, सत्ताय् थ्यनेफुगु मेगु पुचलं जक नयाच्चन ।
भीगु समुदाययात, भीगु संस्कृतियात च्वन्ह्याकेत छु
याय्मा: भीसं स्यू । जात्रा हनेत भीसं गुगु शक्ति क्यनाच्चना,
व हे शक्तिपाखें नीति दय्केगु थासय् भी हे थ्यंकेनु, भीगु
संस्कृतियात च्वन्ह्याकेत नं भीसं याय्नु ।

यँया मौलिक नखः यँया:



श्रीकृष्ण महर्जन

यँया मौलिक नखः यँया: खः । ये
ँया: नाप स्वा:गु थीथी कथंया संस्कृति
सुरु जूगु विषययात न्यंकं बारखंत दु ।
न्यंकं बारखं कथं स्वर्गय् इन्द्रया मांयात
अपसं च्वनेगु नितिं पालिजा: स्वां
मा:गु अले यँया मरु सतः लागाय्
वया पालिजा: स्वां इन्द्र खुया का:गु
जुया ज्वना चिनात:गु खः धाइ । थ्व
हे बारखंया आधारय् इन्द्रजात्रा सुरु जूगु
कथं नालात:गु दु । अथे हे इन्द्र जात्राया
भूवल्य् तत्कालिन अवस्थाय् यँया
जुजु जयप्रकाश मल्लयात षडयन्त्र
याना अपदस्त या:गु अवस्थाय् वय्
क:या प्यदं दुम्ह काय्यात गद्दिइ तया:
कुमारी जात्रा सुरु या:गु कथं नालात:गु
दु । लिपा पृथ्वी नारायण शाह नं ने
पा: एकिकरणया नमाय् यँया:या क्वने
या: खुन्हु दिनय् हे षडयन्त्रमुलक कथं
आक्रमण याना त्याका: थः राजगद्दिइ
च्वने धुंका: हाकनं कुमारी जात्रा न्याये
के बिउगु धका: धाइ । थुगु कथं ऐ
तिहासिक घटनानाप नं स्वानाच्चंगु
यँया: थौया इलय् छगू त:धंगु उत्सवया
रूपय् न्हयानाच्चंगु दु । यँय् दसं वइगु
यँया: मू आकर्षण धइगु कुमारी, भैरव
व गणेशया रथ जात्रा खःसां नं मेमेगु
कथंया यक्व हे गतिविधि नं जुयाच्चंगु
दु । इलय् ब्वल्य् थीथी कथंया
सांस्कृतिक गतिविधि थप यायेगु ज्या
जुयाच्चंगु दुसा अथे हे गुलिं गुलिं
सांस्कृतिक व धार्मिक ज्याभूवः दिना
तकं वने धुंकूगु अवस्था दु । यँया:या
इलय् मूल रुपं केन्द्रविन्दु जुइगु लागा
धइगु हनुमानध्वाखानिसं बसन्तपू तक
खः । यँया: सुरुनिसं अन्तिम दिं तकं
बसन्तपूनिसं हनुमानध्वाखा लागा तक
केन्द्रविन्दु जुइ । अले क्वनेया: कुन्हु
न्हूघः लागा खःसा थःनेया: कुन्हु वंघः
लागा अले नानिचाया: कुन्हु धा:सा
किलाघः लागा खः ।

दीप्याखं

यँया: सुरु जुइगु संकेत धइगु
दीप्याखं खः । किलाघःया ज्यापुतय्सं
क्यना वयाच्चंगु थुगु प्याखंयात देवी
प्याखं नं धायगु याना वयाच्चंगु दु ।

जलाथ्व सप्तमीया चान्हय्
अर्थात अष्टमीया सुथय् दकले न्हापां
किलाघःया ज्यापुतय्सं किलघः कुमार

ीयात न्ह्यःने तया किलाघः लागाय्
दीप्याखं क्वनेमा:गु चलन दु । खिं
बाजंया तालय् भैरव, कुमारी, चन्दी,
दैत्य, कर्वं, बेत्ता, ख्या:या दुगु थुगु
प्याखनय् मूल रुपं कुमारीं दजैत्ययात
बध यायेत स्वइगु इलय् दबुलिं दै
त्य विस्त्यं वनीगु खः । अथे हे कर्वं
व ख्याकं धा:सा स्वकुमिपिन्त न्ह
याइपुकेगु ज्या याइ । अथे हे यँया
हनुमानध्वाखा लागाय् यःसिं थनीगु



ई अर्थात जंलाथ्व द्वादशी खुन्हु नं
दीप्याखं अन हुइकेमा:गु चलन दु ।
उगु हे कथं क्व:ने या: अर्थात जंलागा
चर्तुदशी खुन्हु कुमारी, भैरव व गणेशया
रथ साला: हइगु इलय् क्वने लागाय्
न्हूघः लागाय् दबुलिइ प्याखं क्वने
मा:गु चलन दु । यँया:या भूवल्य् थने
या: खुन्हु अर्थात जंलागा पुनिह खुन्हु
वंघः आजुद्यया न्ह्यःने दीप्याखं क्वने
मा:गु चलन दु । अथे हे नानिचाया:
खुन्हु किलाघः लागाय् दीप्याखं क्वने
मा:गु चलन दु । क्वनेया:, थनेया: व
नानिचाया:या भूवल्य् गुगु थाय्यात
केन्द्रविन्दु नालात:गु खः उगु थासय्
कुमारी, भैरव व गणेशया रथ थ्यनीगु
इलय् उगु कथंया प्याखं क्यना च्वने
मा:गु चलन दु ।

यःसिं

यँया:या छगू महत्वपूर्णगु
पक्ष धइगु यःसिं खः । जंलाथ्व
दुतिया खुन्हु साइत स्वया यँया साय्
मित हनुमानध्वाखाया नासः द्यः दुगु
चुकय् वनेमा:गु चलन दु । अन यःसिं
का:वनीपिन्त बेतलिं चिका सिन्हः
तिका बिधार्इ यायेगु याइ । गुरुजुया
पल्टन सहित नालाया यःसिं गुँइ वने
गु याइ । यःसिं गुँइ वना कन्हय् खुन्हु
निपा: ल्हा:तं ज्वने मफुगु अले तप्यंगु
थ्यंमथ्यं स्वीनिकू हाकःगु सिमा ल्ये
गुयाइ ।

उगु सिमायात पूजा याना दुगु
छम्ह बलि बिइगु तकं याइ । अले लुँपा
वहःपापाखें उगु सिमा पालेगु भाय् याइ
। अनं लिपा जक पां पालेगु याइ । अनं
लिपा उगु यःसिंमह हस्ते हाइस्ते याना
सला: हइ । अथे यःसिं साला: हया
ख्वप, थिमि जुया यँया: भोटाहिं
लागय् यंकेमा:गु चलन दु । यःसिं
गुं हःगु यःसिंयात चिकं पाना द्यःया
रुपय् भोटाहिंतिइ थ्यंका पूजा यायेगु
नं ज्या जुइ । अले जंलाथ्व अष्टमी
खुन्हु साइत स्वया यःसिंयात गुरुजुया
पल्टन सहित नगरय् प्रवेश याकी ।
अले हनुमानध्वाखय् थ्यंकी । अथे
नगरय् यःसिं दुत यंकेगु ज्या मजुतले
हनुमानध्वाखाय् यःसिं का:वीपिं साय्
मित हनुमानध्वाखाय् दुहां वने मजिउ
धाइगु मान्यता दु ।

यँया:या भूवल्य् जंलाथ्व द्वादशी
खुन्हु साय्मितय्सं हनुमानध्वाखाय्
यःसिं थनेगु याइ । गबले यःसिं थन
अबलेनिसं यँया: सुरु जुल धायेगु याना
वयाच्चंगु दु । यँया:या हे भूवल्य्
जंलागा तृतिया खुन्हु अर्थात यँया:या
अन्तिम दिनय् यःसिं क्व:थलेगु याइ ।
कुमारी, भैरव व गणेशया रथ क्वनेया:
चा:हिइका हया हनुमानध्वाख लागाय्
जात्रा क्वचाये धुंका: जक अथे यःसिं

क्व:थलेगु याइ । अले यःसिंयात साला
यंका: खुसिइ विषर्जन याइगु चलन दु ।

थीथी भैलः द्यःया प्रदर्शन स्वच्छन्द भैरव ब्वज्या

यःसिं हनुमानध्वाखाय् थने
गु ज्या जूगु हे दिं अर्थात जंलाथ्व
द्वादशीया दिनय् हनुमानध्वाखाया गद्दि
बैठक न्ह्यःने स्वच्छन्द भैरवया मूर्ति
पूजा आज्ञा याना प्रदर्शन याइगु चलन
दु । उखुन्हुनिसं लगातार रुपं यँया:या
अन्तिम दिं तक नं स्वच्छन्द भैरवया
मूर्ति प्रदर्शन यानातइ ।

स्वेत भैरव



यःसिं थंगु दिनय् हे
हनुमानध्वाखया स्वेत भैरवया
आकर्षक मूर्ति नं ब्वज्या सुरु जुइ ।
थीथी कथंया तिसां तिइका: अथे मूर्ति
ब्वज्या याइगु खः । यःसिं थनीगु कुन्हु
हे बहनी स्वेत भैरवयात विशेष कथंया
पूजा आज्ञा याना बहनी हाथु हायेकीगु
चलन दु । हा:गु थ्वं अर्थात थ्वं हाये
कीगु जुया हे उकियात हाथु हायेकेगु
धाइगु खः । उखुन्हु स्वेत भैरवया पुजार
ीतय्सं समेबजि तकं बिइगु चलन दु
। अबले ल्यासे ल्यायेम्हतय्सं लाखकू
वयेक समेबजि धका: समेबजि कायेगु
तकं याइ । अले गुलिं गुलिसिनं हाथु
त्वनेगु तकं याइ । च्यान्हु तक लागातार
रुपं अथे प्रदर्शन याइगु खः ।

इन्द्र ब्वज्या

यःसिं थंगु दिनय् हे मरु सतः
न्ह्यःने इन्द्रया मूर्ति ब्वज्या नं याइ ।
बारखं कथं पालिजा: स्वां खुया: का:म्ह
धका: इन्द्रयात चिना सकलसिनं खने
दयेक खः हे ग्वया: अथे प्रदर्शन याना
तइगु खः । अथे हे वंघः नापं थीथी
थासय् तकं उखुन्हुनिसं हे इन्द्रयात
ब्वज्या यायेगु सुरु याइ ।

थीथी आजुद्यः ब्वज्या

यःसिं थने धुंका: उखुन्हु हे यँया
थीथी थासय् थीथी आकृतिया आजु
द्यःयात नं ब्वज्या सुरु याइ । अले
न्हिया न्हिथं पूजा यायेगु तकं याइ ।
गनं गनं सिंयागु अले गनं गनं धा:सा
चायागु आजु द्यः ब्वइगु नाप नाप हाथु
हायेकेगु तकं याइ ।



नृपेन्द्रलाल श्रेष्ठ

A group of people in traditional attire, including a person in a blue dress and a person in a red dress, performing a ritual or dance in a street setting. The person in the blue dress is wearing a large, ornate mask and a long orange garland. The person in the red dress is also wearing a mask and a long orange garland. They are surrounded by other people, some of whom are also wearing traditional clothing. The background shows a street with buildings and a crowd of people.

[illegible]



राम प्रजापति
प्रोप्राइटर

हारती मिठाई भण्डार
(शुद्ध शाकाहारी)


कालिमाटी चोक, टंकेश्वर मार्ग, काठमाडौं ।
फोन नं. : ४२७२९९९, मो. ९८०३९८०६९९

यहाँ:- विवाह, व्रतबन्ध, पाटी, पिकनिक, तथा अन्य शुभ कार्यको लागि अर्डर अनुसार मिठाईको व्यवस्था गरिन्छ ।



जलना

क्रिया: नृपेन्द्रलाल श्रेष्ठ





रेणु श्रेष्ठ

“

कुमारी जात्रा न्ह
याकेगु खँय जुजु
जयप्रकाश मल्लया नां
न्हयःने वःसां प्रताप
मल्लया सन्दर्भ नं
थुकी स्वाःवःगु खने
दु । जुजु प्रताप मल्लया
महासय कुमारी जुजुया
ककुतिनाः वांछवया
ब्यूगु व थव हे महास
खनाः ज्यानाः कन्हय
खुन्ह कुमारीयात
पूजा याय्त हययकः
वंबलय विष्णुमति सिथय
सिथय चाःहिके यंके
गु खःसा वय धकाः
धाःगु व अनंनिसें जात्रा
न्हयानावंगु खः धयागु
अनुमान दु ।

विश्वया न्ह्यागु समाजय नं
थःथःगु हे पहःया नखःचखः जात्रात
न्ह्याका वयाच्वंगु दइ । थःथःगुकथं
मूल्य व मान्यता कायम याना वयाच्वंगु
दयाच्वनि । नेपाःगालय नं भी पुर्खा
बिया थकूगु नासोया रुपय ईब्यःकथं
नखःचखः व जात्रा हना वयाच्वीपिं
नेवाःत धकाः हलिमय नां बयबय
जू । नेवाःतयसं हनीगु नखः चखः
जात्राया दुने थीथी धार्मिक व पौर
णिक घटनालिसें स्वापू दुगु खनेदु ।
साँस्कृतिक अर्थ धायगु खःसा जात्रा
धायबलय छू विशेष तिथि दुने धार्मिक
वा साँस्कृतिक उद्देश्य पुर्तिया नितिं सुं
द्यःपिन्त जनसमुदायं खतय तयाः छू
निश्चित लागं सालाहयगु वा परिक्रमा
याना हइगु परम्परा खः धकाः ध्यायुइके
फइ, गुकियात जात्रा धया वयाच्वंगु दु ।

थथे थीथीकथं न्यायकीगु जात्रा
मध्ये जनसमुदाय नं खः साला चाःहिके
गु जात्रा कुमारी जात्रा खः, गुकियात
कुमारी जात्रा धाइ । ने.सं. ४९०या गो
पालराज वंशावली यँयाःयात “एंदला”
चयातःगु दु । इन्द्रलां एंदला जुल ।
एंदलां यंला जूवंगु खः । यंलाथ्व
द्वादशी खुन्हु सायमितयसं खवपया
यःसिं गुँइच्वंगु सिमापाला हयाः
लायकुली यःसिं थन कि यँयाः जात्रा
शुरु जुइ । यंलाथ्व चतुर्दशी खुन्हु ये
या बसन्तपुरं जीवित देवदेवी कुमारी,
भेलु व गणेशयात रथय तयाः सालाः
जात्रा यायगु परम्परा दु । संसारया गनं
देशय मडुमह जीवित देवी कुमारीयात र
ज्यया हे छम्ह संरक्षकया रुपय कया
वयाच्वंगु दु ।

संस्कृतिविद् भाजु रास जो
शीजुया कथं “कुमारी जात्रा न्ह्याके
गु खँय जुजु जयप्रकाश मल्लया नां
न्हयःने वःसां प्रताप मल्लया सन्दर्भ
नं थुकी स्वाःवःगु खनेदु । जुजु प्रताप
मल्लया महासय कुमारी जुजुया
ककुतिनाः वांछवया ब्यूगु व थव हे
महास खनाः ग्यानाः कन्हय खुन्हु कुमा
रीयात पूजा याय्त हययकः वंबलय
विष्णुमति सिथय सिथय चाःहिके यंके
गु खःसा वय धकाः धाःगु व अनंनिसें
जात्रा न्हयानावंगु खः धयागु अनुमान
दु ।”

थव खुन्हु कुमारीया खः
सालीबलय बसन्तपुरया गदि वैठकय दे
य्या राष्ट्राध्यक्ष उपस्थित जुयाः दक्षिणा
छानाः देवदेवी दर्शन याइ । गुरुजु पल्टन,
सैनिक बाजं, पञ्चै बाजा ज्यापुनी,



प्रहरी बाजं थाथां कुमारी खः सालाः
क्वःनेपाखे अर्थात चिकमू जुयाः न्हूधः,
लगं, ब्रह्मत्वाः, वन्दे, ह्यूमत, क्वाहीत,
भिन्द्रःत्वाः व मरु जुयाः बसन्तपुरय
थ्यंकाः क्वचायकी । कुमारीया रथ
बसन्तपुरय थ्यंकाः कुमारी छँया न्हयःने
च्वंगु देगलय दश अवतार नं क्यनी ।
थुगु इलय ईन्द्रया बाहां एरावत किसिया
प्रतीक पुलुकिसि नं हइ । कन्हय खुन्हु
अर्थात यँयाः पुन्हि खुन्हु थःने साली
। थवखुन्हु यतखा, न्यत, न्ह्योखा
जुयाः थायमदु, न्ह्यायकत्वाः, असं
बालकुमारी, वंघः हनुमानध्वाखा जुयाः
बसन्तपुर थ्यंके हइ । खः सालेगु इवलय
वंघलय थ्यन कि कुहाँ बिज्यानाच्वंमह
आकाश भैरबया न्हयःने छानातःगु समे
बजि द्यःयात छानाः मनुतयत इना बी ।
यँय च्वीपिनि बहनी छँय छँय समेबजि
नइ । त्वाः त्वालय नं मस्तनिसें बुराबुरी
तक्कं समेबजि फ्वं वनी । समेबजि फ्वं
वनीबलय “ला छकू वयक समेबजि,
वल वल पुलुकिसि” धाधां वइ । समे
बजि त्वाः त्वालय इना नं बी ।

नापं हनुमानध्वाखाय च्वंमह लुँया
ख्वाःपाः दुमह हाथुद्यः (श्वेत भैरव)या
थाय नं हाथु हायकेगु धकाः थ्वं हायके
गु चलन दु । थथे हाथु हायकीबलय
म्वःम्वः मनुत हाथु द्यःयाथाय थ्वं
त्वं वईपिं नं दु । थव हाथु द्यः द्वादशी

संस्कृतिविद् मयजु चुन्दा वज्राचार्यया कथं “दागिं
धकाः लखु फल्चां ज्यापु छम्हेसित ताम्रकार जातिं तुयु
वसतं पुंकाः ख्वाःपाः नं तुयु हे पुइका चाःहिइके हइ ।”
कुमारीया खः गन गन साल, अन अन दागिं चाःहीले
माः । दागिं धइमह ईन्द्रया मां खः ।

खुन्हुनिसें यँया त्वाः त्वालय ब्वयातइ,
उमह हाथु द्यःया म्हा धाःसा दइमखु ।
छ्यं जक ब्वयातइ । थव हे दिं खुन्हु
वंघलय च्वंमह आकाश भैरव नं चान्हय
कुहाँ बिज्याइ । यंलागा चौथि खुन्हु
नानीचायाः याइ । थव खुन्हु बसन्तपुरं
रथ सालाः प्याफः, न्यत, किलागः,
भ्याःचाद्यः, वंघः, लायकू जुयाः
बसन्तपुर थ्यंकाः जात्रा क्वचायकी ।

दागिं भाद्र शुक्ल चतुर्दशी खुन्हु
पिदनी । संस्कृतिविद् मयजु चुन्दा
वज्राचार्यया कथं “दागिं धकाः लखु
फल्चां ज्यापु छम्हेसित ताम्रकार जातिं
तुयु वसतं पुंकाः ख्वाःपाः नं तुयु हे
पुइका चाःहिइके हइ ।” कुमारीया खः
गन गन साल, अन अन दागिं चाःहीले
माः । दागिं धइमह ईन्द्रया मां खः । पर
पूर्वकालय ईन्द्रया मांया अपसं च्वने
त पालिजाः स्वां यँ देशय कायके
हःबलय यँ देशय च्वीपिंसं ईन्द्रयात
स्वां खुँ धकाः ज्वनाः मू लँपुइ तयाः

चिनातःगुलिं थः काय लिप्यायत
स्वर्ग ईन्द्रया मां दागिंया भेषय वःगु
धइगु किंवदन्ति दु । थथे दागिंया भेषय
वःमह ईन्द्रया मामं चिनातःमह थः काय
लिप्यायत यँय च्वीपिं मनुतयत खसु
फछि बिया थकूगु खः, गुकिं यानाः ये
या धुंकाः सुथय खसु वइ । थव खुन्हु
हे यँया न्यागू त्वाःया सायमितयसं पंया
बौमत दयकी । थुगु बौमत मरु सतःया
न्हयःनेया ब्व गपायहाकः खः अपाय हे
हाकः जुइ । बौमत व दागिं नापालाके
मज्यू । उकी दागिं क्वःनेपाखे वन कि
बौमत थःनेपाखे यंकी ।

थव इलय लाखे प्याखं नं हुइकी
। मजिपाःया लाखे प्याखं नं पिदनी ।
हल्चोकया सवाभकु प्याखं किलाघःया
देवी प्याखं अले खवपया महाकाली
प्याखं नं पिदनी । शुक्रथं यंलाथ्व द्वादशी
खुन्हु लायकुली यःसिं थनाः शुरु जूगु ये
याः जात्रा यलागा चौथि खुन्हु यःसिं
क्वःथल कि सिधइ ।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन,
बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्याटरिङ पनि गरिन्छ ।

- (क) व्यापारी त्यासा
(ख) हायरपचेज त्यासा
(ग) आवासीय त्यासा



- (घ) शेयर त्यासा
(ङ) मुद्दी रसिद धितो त्यासा
(च) क्रमिक निक्षेप त्यासा

मिलन बहुउद्देश्यीय सहकारी संस्था लि.

ह्वनाछँ, पाको, न्हूसतक, यँ, नेपाः

फोन ल्याः ४२३१०३६, ४२२२०६५, ४२१६१६७, फ्याक्स : ४२१६१६७

तेजतीर्थ पुरस्कार लःल्हात



तेज-तीर्थ पुरस्कार लःल्हात ने पाली काग्रेसया वरिष्ठ नेतानापं पूर्व मन्त्री तीर्थराम डंगोलं निस्वनादीगु ते ज-तीर्थ पुरस्कार व सम्मान शुक्रवाः छगू ज्याइवःया दथुइ लःल्हागु दु ।

नेपाली काग्रेसया नेता वि पि को इरालाया १०९ क्वःगु बुर्दिया लसताय् तेज-तिर्थ ट्रष्टया ग्वसालय् जगू उगु ज्याइवलय् डंगोलया सभाध्यक्षताय्

जगू खः। तेज-तीर्थ पुरस्कार व सम्मान ज्याइवलय् मूपाहाँ कथं ने पाःया न्हापांम्ह राष्ट्रपति डा रामवरण यादवं पुरुषोत्तम दाहालयात छगू लखं तकाया मानव अधिकार लोकतन्त्र सिर पा लःल्हागु खः ।

अथेहे सन्चारकःमि लोकतन्त्र अभियानया न्हयलुवा कबिर राणा, युवा सन्चारकःमि राधिका बुढाथो

कीया नापनापं नेपालभाषाया वाङ्मय व साहित्यया ख्यलय् ज्वमदुगु योगदान बिया वया च्वपिं साहित्यकार प्रकाश प्रधान, भाषा संस्कृतिख्यलय् काशिनाथ टमोटयात नं तेज-तीर्थ सिरपा लःल्हागु खः । वयकपिन्त म्हतिं न्यय्दः न्ये यद्वतका सिरपा कथं लःल्हागु खः। उगु ज्याइवलय् तिर्थ राम डंगोलया आत्मवृत्तान्त सफू नेपाली काग्रेस र तिर्थ रामया पितव्वज्या नं जगू खः। आत्म वृत्तान्त सफूतिइ नेपाली काग्रेस व थःम्हेसिनं खंगु पक्षयात गथे खः अथे च्वयागु दु धका धयादीसे वयकलं भरीगु देशय् राजतन्त्र अथे चिलावंगु मखु उकिया लिउने यक्को बलिदान दु धका धयादीगु खः। ज्याइवलय् सिरपा ज्याभ्वःया कवःया कजि पूर्व मन्त्री भिमसेनदास प्रधान सम्मानित व्यक्तित्व पिनिगु परिचय बियादीगु खःसा सम्मानित व्यक्तित्वपिपाखें पुरुषोत्तम दाहाल व काशिनाथ टमोट पिन्सं थःगु नुगःखें तयादिगु खः।

उपमेयर डंगोलं सच्छि दिया श्वेतपत्र सार्वजनिक यात

यें महानगरपालिकाया उपमेयर सुनिता डंगोलं पदभार ग्रहण याःगु सच्छि न्हू दुने यानाःगु ज्या व योजनायात कयाः श्वेतपत्र सार्वजनिक याःगु दु । उपमेयर डंगोलं सार्वजनिक याःगु श्वेतपत्रय् थःपिन्सं सच्छि न्हू दुने १५ गू ज्या व न्ह्याकाःगु १० गू योजनात न्हयथंना तःगु दु ।

पुलांगु २,४४ गू विवादित न्यायिक सुनुवाई जुगु व ५१ गू विवादया किनारा जुगु सार्वजनिकयाःगु श्वेतपत्रय् न्हयथंनातःगु दु। वडास्तरीय महिला सेल गठन, आर्थिक दै ०७९-८० या निर्ति नीति व कार्यक्रमया प्रस्ताव तयार यानाःगु खें नं न्हयथंनातःगु दु।



अथे हे फोहोर व्यवस्थापनया निर्ति सकारात्मक कुतः न्ह्याकाःगु, श्वेतपत्रय् न्हयथंनातःगु दु ।

स्थानीय तहय् खर्च विवरण बुभ्नेमयापि उम्मे दवार जुइ दइमखु- निर्वाचन आयुक्त थपलिया

प्रमुख निर्वाचन आयुक्त दिने शकुमार थपलियां स्थानीय तह निर्वाचनय् खर्च विवरण बुभ्ने मयापि उम्मेदवारं प्रदेशसभा व प्रतिनिधिसभा निर्वाचनय् उम्मेदवार जुइ दइमखु धका धाःगु दु ।

सोमबाः यें जुगु छगू ज्याइवलय् वयकलं स्थानीय चुनावय् १ लाख १५ हजार उम्मेदवारपिन्स खर्च विवरण बुभ्ने मयागुलि कारबाही यायेमाः



धका धाःगु दु । खर्च विवरण बुभ्ने मयापि उम्मेदवारपिन्स ५ लाख रुपैयाँ

जरिवाना व खुदैँ तक उम्मेदवार जुइ मदइगु कथं कारबाही यायेफइगु धका धाःगु दु । वयकलं धाःगु दु ‘कारबाही जूपिन्स थ्व हे वइगु असोज २ व ३ गते समानुपातिक बन्द सुचीइ च्वने दइ मखु । अथेहे २३ गतेया प्रत्यक्षय् न उम्मे दवार मनोनयन जुइ दइमखु ।’ कारबाही जुलकि समानुपातिक व प्रत्यक्षय् उम्मे दवार बिलकि आयोगं कायेमखु धका वयकलं धाःगु दु ।

सत्यतथ्य थुइका जक प्रतिक्रिया बिइत मन्त्री श्रेष्ठपाखे इनाप

संस्कृति, पर्यटन नाप नागरिक उड्डयन मन्त्री जीवनराम श्रेष्ठं सुर क्षागार्डयात ज्वंगु घटनायात कया सत्यतथ्य थुइका जक प्रतिक्रिया बिइत इनाप याःगु दु।

लाइनय् च्वनेत इनापयाम्ह सुरक्षागार्डयात मन्त्रीं तपिक आदे श बिया प्रहरीं ज्वकूगु धका आलोचना जुयाच्वम्ह मन्त्री श्रेष्ठं घटनाबारे सत्यतथ्य थुइका जक प्रतिक्रिया बिइत इनाप याःगु दु ।

वयकलं सामाजिक सञ्जाल फेसबुकपाखे उगु घटनाय् लाइनय् मच्चसे मखुसे थःगु अङ्गरक्षकयात दुर्व्यवहार याःगु कारण धका दाबी यानादीगु खः। मन्त्री श्रेष्ठं दक्को नेता व मन्त्री खराब खः धका धायेकेगु षड्यन्त्र जुयाच्वंगु धयादीसे थुगु पाखे सजक जुइत इनाप याःगु दु। मन्त्रीनाप विवाद जुइवं सुरक्षागार्डयात न्यान्हुया निती कूगु दु । वयकलं थःथगु फेसबुकय् च्वयादीगु दु, ‘छायौ सेन्टरय् जुगु घटनाबारे

पब्लिकपाखे वःगु प्रतिक्रियाय् जिगु गम्भीर ध्यानाकर्षण जगू दु। पब्लिकया प्रतिक्रिया स्वाभाविक खः, तर उगु घटना लाइनये मच्चसे मखु जितः व जिगु सेक्युरिटीयात दुर्व्यवहार याःगुलि सेक्युरिटी थःगु निकाययात जानकारी याःगु खः। घटनाबारे सत्य तथ्य थुइका जक प्रतिक्रिया बिइत व दक्को नेता व मन्त्री खराब खः धइगु भाष्य निर्माण यायेगु षड्यन्त्रप्रति चनाखो जुइत इनाप याये ।’

निगु देय्या राजदूतपिन्स शपथ काल



निगु देय्या लागि नियुक्त जूपि र ाजदूतपिन्स सोमबाः शपथ काःगु दु। म्यानमारया लागि नेपाली र ाजदूत हरिश्चन्द्र घिमिरे व मलेसियाया लागि नेपाली राजदूत डिल्लीराज पौडे

लं राष्ट्रपति विद्यादेवी भण्डारी समक्ष पद व गोपनीयताया शपथ ग्रहण याःगु दु । शपथ समारोहय् नेपाः सरकारया उच्च पदस्थ कर्मचारीपिनिगु न ब्बति दुगु खः।

भाय्या ...

यायेमाः । थ्व निगू ज्या जुल धाःसा आःया संसदं मफत धाःसां न्हू वइगु संसदपाखें नेपालभाषा व तामाङ भाषायात सरकारी कामकाजया भाषाया रुपय् मान्यता बिइकेगु नितीं अःपुइ । थुगु कथंया लविड थ्व इलय् नेवाः देय् दबू स्वनिगः विशेष प्रदे शपाखें यानाच्वंगु दु ।

भाषा आयोगया सिफारिस कथं वागमती प्रदेशय् नेपालभाषायात कार्यान्वयन प्रदेश स्तरीय यायेगु धइगु कन्हय् वना मेमेगु प्रदेशय् नं छु छु स्तरय् लागू यायेफइ व व हे स्तरय् लागू यायेगु नितीं लैपु चायेकीगु खः । गथेकि भाषा आयोगपाखें हे प्रदे श नम्बर १ य् नेपालभाषायात सर कारी कामकाजया भाषाया रुपय् कार्य विस्तार यायेत निश्चित ज्या व क्षेत्रया नितीं सरकारी कामकाजी भाषाया मान्यता कायेफइगु धकाः सिफारिस याःगु दु । अथे हे गण्डकी प्रदेशय् भाषाया स्तरगत योजना निर्माणया इवलय् नेपालभाषायात नं सरकारी कामकाजया भाषाया रुपय् कार्य विस्तार यायेत निश्चित ज्या व क्षेत्रया नितीं सरकारी कामकाजी भाषाया मान्यता कायेफइगु धकाः सिफारिस याःगु दु । भाषा आयोगं स्थातीय तहनिसें वडा स्तर तकं कामकाजि भाषाया रुपय् कार्यान्वयन यायेफइ धकाः देय्यन्यंकंया नितीं सिफारिस याःगु दु । थुगु ल्याखं स्वल धाःसा वागमती प्रदेशय् ने पालभाषायात सरकारी कामकाजया भाषाया रुपय् प्रदेश स्तर कथं लागू याकेफत धाःसा कन्हय् वना देय्यन्यंकं हे नेवाः भाय्यात छुं नं छुं कथं स्तर कथं लागू याकेफइगु अवस्था वइ । व धइगु नेपालभाषा म्वाकेगु नितीं तःधंगु आधार जुइ । राज्यपाखें ने पालभाषायात लगानी याइ । नेवाः भाय् हे ल्हाना म्वाना नयेगु वातावरण ब्वलनी । नेवाःतय्सं थः मस्तयूत नेवाः भाय् हे स्यना हइ । उकिं

गुगुसी नेवाः देय् दबू स्वनिगः विशेष प्रदेशं गुगु कथं वागमती प्रदेशय् ने पालभाषायात प्रदेश स्तरीय सकारी कामकाज भाषाया रुपय् लागू याकेगु नितीं यानाच्वंगु पलाः छगू महत्वपूर्ण पलाः जुयाच्वंगु दु ।

आः हाकनं प्रदेश सदस्य व प्रतिनिधिसभा सदस्यया निती. आम चुनाव जूवनाच्वंगु दु । वइगु मंसिर ४ गते जुइगु आम निर्वाचनयात मनूतय्सं थःथःगु कथं ब्याख्या याना वयाच्वंगु दुसा राजनीतिक दलतय्सं चुनावय् त्याकेगु नितीं योजनात दयेका ज्या शुरु याये धुकूगु दु । राजनीतिक दल दुने नेवाःत नं दुगु जुया नेवाःत नं उगु योजना कार्यान्वयन नाप नापं थःथःगु पार्टीयात चुनावय् त्याके बिइगु नितीं भूमिका म्हितेगु शुरु यानाहःगु दु । थ्व ज्या चुनाव क्वमचातले हे निरन्तर रुपं अभ् तिब्रता कथं जुइ । थुकिंइ पार्टीया नेवाः कार्यकर्तानिसें नेतातय्युगु नं योगदान अवश्य नं जुइ ।

चुनावया नितीं नेवाःतय्सं भाषाया खँय् ब्यापक सहलह ब्याका आः वागमती प्रदेशया सांसद जुइपिं सकलसिनं नेपालभाषायात सर कारी कामकाजया भाषाया रुपय् लागू याकेगु व यायेत बाध्य याये गु गुगु कथं धइगु नेवाःतय्यु सवाल जुइमाः । उकिया नितीं तिब्र रुपं ने वाःतय्सं बहस यायेमाः । राजनीतिक दलनिसें उम्मेदवारयात तकं दबाव बिइगु, थुइकेगु नापं मेमेगु पहल नं यायेमाः । स्वनिगः विशेष प्रदेशं भाषाया सवालयात नं दुथ्याका ने वाःतय्यु मंकाः मुद्दा तयार याये गु ज्या यानाच्वंगु दु । थुगु इलय् ने वाःतय्सं मंकाः सवाल भाषा थें जाःगु विषयायत कया भाषा आयो गया सिफारिस कथं कार्यान्वन याके त गम्भीर जुया भूमिका म्हितेमाः । चुनावया नितीं भाषाया मुद्दा दयेका समुदाययात नं थुइकेगु व राजनीतिक दलनिसें उम्मेदवारतयूत नं लविड यायेगुनिसें इमिगु घोषणा पतिइ तकं तयेकेगु नितीं माःगु कुतः यायेमाः ।

हरेक मंगलवार

मेरो साप्ताहिक

मेरो साप्ताहिक

Mero Saptahik

मालाः मालाः ब्वनादिसँ ।

नेवाः देय् दबू गण्डकी प्रदेशया न्हापांगु अधिवेशन



नेवाःतय्गु मंकाःगु राष्ट्रिय संगठन नेवाः देय् दबूया विधान कथंया च्यागू प्रदेश मध्ये गण्डकी प्रदेशया न्हापांगु अधिवेशन क्वचाःगु दु । देय् दबूया विधान कथं प्रदेश नं. १, मधेस प्रदेश, वागमती प्रदेश, लुम्बिनी प्रदेश, सुदुर पश्चिम प्रदेश व स्वनिगः विशेष प्रदेशया अधिवेशन न्हापा हे क्वचाये धुंकूगु दु । आः गण्डकी प्रदेशया अधिवेशन धुंकाः कर्णाली प्रदेशया जक अधिवेशन ल्यंदनि ।

नेवाः देय् दबू गण्डकी प्रदेश भाद्र २३ गते व २४ गते निन्हुयंकं नवलपुरया कावासोतीइ तःजिक जूगु खः । २३ गते विहिवाः थीथी भिगू

जिल्लाया प्रतिनिधि नापं थीथी प्रदेशया तर्क सहभागीताय् बाजागाजा सहित सुकुन्दा च्याली याःगु खः । २४ गते शुक्रवाःया दिनय् शोभा यात्रा धकाः सांस्कृतिक बाजा गाजा सहित कावासोतीय प्रदर्शन याःगु खः । अथे शोभा यात्रा लिपा अधिवेशनया उलेज्या समारोह जूगु खः । उलेज्या समारोह लिपा बन्द शत्र याःगु खःसा बन्द शत्र नायोनिसें फुक्क पदाधिकारी व दुजः पदय् तर्क निर्विरोध निर्वाचित जूगु खः । अधिवेशन नायो पदय् हरि केमार श्रेष्ठ निर्वाचित जुयादीगु खः । अथे हे बरिष्ठ न्वकू पदय् कास्कीया विश्व शंकर खड्ग,

न्वकू पदय् तनहुँया मथुरा कृष्ण श्रेष्ठ, मिसा न्वकू पदय् लम्जुङया विद्यादेवी श्रेष्ठ, मूल्याज्जे पदय् कास्कीया राजु श्रेष्ठ व ख्याज्जे पदय् नवलपुरा अर्जुन कुमार श्रेष्ठ, गोर्खाया पुष्पा श्रेष्ठ नापं दांभरीइ नवलपुरया भुवनराज श्रेष्ठ सर्वसहमिति निर्वाचित जुयादीगु खः । दुजः अर्थात् सदस्य पदय् किसान प्रधान (तनहुँ), सुर्य मान श्रेष्ठ (गोर्खा), गङ्गा प्रसाद श्रेष्ठ (स्याङ्जा), कृष्ण लाल श्रेष्ठ (लम्जुङ्ग), योगेन्द्र नारायण श्रेष्ठ (नवलपुर), अनिल कुमार मास्के (पर्वत), उमाकान्त श्रेष्ठ (तनहुँ), कृष्ण कुमार श्रेष्ठ (गोर्खा), उमा श्रेष्ठ (स्याङ्जा), मिना श्रेष्ठ (लम्जुङ्ग), देवि श्रेष्ठ (तनहुँ) व तीकादेवी श्रेष्ठ (नवलपुर) नं निर्विरोध निर्वाचित जुयादीगु खः । अधिवेशनया इवलय् थीथी जिल्ला प्रतिनिधित्व यानादीपि नेवाः ख्यःया स्थानीय न्ह्यलुवातय् नेवाः देय् दबू स्वनिगः विशेष प्रदेशया नायो श्रीकृष्ण महर्जन नेवाः देय् दबू नाप नाप नेवाः नेतृत्वया बारे प्रशिक्षण बियादीगु खः । उगु हे कथं नेवाः संस्कृतिया बारे नेपाल पञ्चाङ निर्णायक समितिया पुलांम्ह दुजः दैवज्ञ ज्योतिष कीर्तिमदन जोशी प्रशिक्षण बियादीगु खः ।

यँयाः नखःया लसताय् सकल नेपाःमिपिन्त भिंतुना देछाना



नविन मानन्धर

प्रवक्ता, काठमाडौं महानगरपालिका
एवम्, वडाध्यक्ष कामपा १७



यँयाः नखःया लसताय् सकल नेपाःमिपिन्त भिंतुना देछाना



योगेश खड्गी

वडाध्यक्ष
काठमाडौं महानगरपालिका २७



यँयाः नखःया लसताय् सकल नेपाःमिपिन्त भिंतुना देछाना



लक्ष्मीदास - हरिदास

थँहिती, यँ ।

दुषित पानीका कारण हुने रोगप्रति सजग रहौं

फोहर पानीले भाडापखाला, हैजा, टाइफाइड, आउँ, जण्डिस जस्ता रोगहरु लाग्न सक्छन् ।

त्यसैले:

- खोला, धारा वा मूलको पानी सिधै प्रयोग नगरौं ।
- पानी उमालेर वा शुद्धिकरण गरेर मात्र प्रयोग गरौं ।
- पिउने पानीलाई सफा भाँडामा छोपेर राखौं र सफा भाँडाले पानी भिक्ने गरौं ।



नेपाल सरकार

विज्ञापन बोर्ड

दैन, दुखी व असहायपिन्त निःशुल्क स्वास्थ्य सेवा प्रदान ।
दानी, सुखी व सम्पन्नयात सशुल्क स्वास्थ्य सेवा वरदान ॥

छत्रपाटी निःशुल्क चिकित्सालय (अस्पताल)

स्तरीय सुलभ स्वास्थ्य सेवा सकसिया निम्ति, असहायपिन्त जक निःशुल्क

उपलब्ध सेवा

२४ सै घण्टा सेवा

- आकस्मिक सेवा
- प्राथमिकी
- एच.ए.सि.जे.
- ई.सि.जी.
- इको
- टासः घरः
- अन्तर्राष्ट्र सेवा

गन्तव्य

- कोसिबिन्दु
- जगरल सर्जरी
- व्यापार, व्यापार, व्यापार
- हाड जोर्नी लस
- फिसाव ललीका फल्लार
- बिना विरफार

यहिरा सेवा

- कुटु लव
- प्याः लव
- दुरीलेजी
- जिख लव
- काम लव
- बासा लव
- दिस लव

जन्म सेवा

- डेलिभ
- ईन्डोस्कोपी
- कोलोन्स्कोपी
- फिजियोथेरापी
- अल्ट्रासाउण्ड, कलर डप्लर व इको
- सुटेपेली स्तरका दन्त प्रयोगशाला

२४ घण्टा ईमरजेन्सी सेवा

७०८ गंगालाल मार्ग, छत्रपाटी, काठमाडौं, फोन : ४२९६९३८, ४२९७९९९, ४२९६९२९, E-mail: cfclinic@mail.com.np, www.free-clinic.org.np